

OHR-pohvaljuje aktivnosti tužioca u slučajevima carinskih prevara

U srijedu, 4. novembra, Viši Zamjenik Visokog Predstavnika, Hanns Schumacher i predstavnici Ureda za Carinske i Fiskalne Poslove (CAFAO), finansiranog od strane Evropske Komisije, sastali su se sa Federalnim tužiocem, Suljom Babićem i tužiocem Republike Srpske, Vojislavom Dimitrijevićem da bi razgovarali o nedavno otkrivenim slučajevima carinskih prevara.

Prošlog mjeseca, carinske administracije i policije Federacije i Republike Srpske su pokrenuli akciju protiv organizovanog krijumčarenja i carinskih prevara. Nekih 900 pošiljki je ušlo u Bosnu i Hercegovinu u zadnjih nekoliko mjeseci ilegalno, bez plaćanja poreznih obaveza. Zajednička operacija je spriječila godišnje carinske gubitke entitetima za više od 40 miliona KM.

Ambasador Schumacher je izrazio svoju podršku i zahvalnost aktivnom i besprijeckornom radu dva tužitelja, te je pozdravio odlučnost službenika u oba entiteta da sada pravilno istraže i podignu odgovarajuću optužnicu. Posebno je pohvalio odluku dva tužioca na zajedničkom radu u podizanju optužnica i obećao punu podršku i pomoć međunarodne zajednice.

Međunarodna zajednica će nastaviti da pomno prati slučajeve na putu ka suđenju. Ambasador Schumacher je rekao da ukoliko nisu pravilno proslijedjeni, to bi moglo da ima negativne efekte na buduću međunarodnu pomoć u rekonstrukciji.